

秩祀記第六

江陰縣志卷之八

壇壝

祭法有報有祈禮之正也不經而祀淫也逮
闇而祭瀆也故曰淫祀無福瀆神不享

社稷壇在澄江門外一里宋軍社壇與稷壇同在

觀風門外其縣社壇在天慶門內元因軍社 國

朝洪武三年徙今地初為二壇八年詔為一壇四

陛三級繚以周垣為四門門從北入壇植石主一

其下于土木主二一書縣社之神居左一書縣稷

江陰縣志卷之八

陸維禱
陳朴刊

壇西為齋房神厨北為刑牲池正德九年重建東

西五十三丈南北三十二丈

風雲雷雨山川壇在天慶門外西南一里宋附軍

社壇後元因之 國朝洪武三年建今地初為二

壇八年詔為一壇以城隍合祭其制與社稷壇同

門從南入壇設木主三一書風雲雷雨之神居中

一書本縣境內山川之神居左一書本

縣城隍之神居右祭以春秋壇東為神厨齋宿宰

牲庖庫房正德九年修東西五十二丈五尺南北
三十五丈

按王制諸侯祭境內山川大宗伯以禋燎祀司
中司命風師雨師唐天寶間詔祀雷 國朝增
祀雲嘉靖九年

皇上更其神之序曰雲雨風雷云

邑厲壇在社稷壇後洪武三年建其制繚以周垣

啓門北向正中設壇

祭文有碑洪武七年 欽降
歲以清明日七月望日十月

朔日晡祭
羊一豕一

壇南爲神厨東西十九丈南北二十七

丈

里社每里立社耆老歲以春秋仲月用羊一豕一

祭五土五穀之神

鄉厲每里立厲耆老歲以春秋仲月用羊一豕一

祭無祀鬼神

已上俱洪武八年
定制今多廢矣

祠廟

城隍廟在縣治東順化坊洪武初江陰侯吳良建
正德五年道士蔡道清募力重修嘉靖元年十月
辛丑火十一月望復火延燒殆盡六年知縣張集
鼎新建焉復于廟之西北爲宿齋所前此所未有

也

洪武八年定制合祭于風雲雷雨山川壇育司
朔望謁廟到任之物迎山川社稷與合祀諸神

主就廟以祭
設誓戒云

東嶽廟在君山之麓吳赤烏間建 國朝丁酉年
江陰侯吳良重建

真武廟在君山之巔嘉靖十七年建來昭坊周橋
東昭聞鄉東望橋北峯鎮龍津橋東石牌港西並
有廟其制差小

夏王廟祀大禹也在夏港口岸東百餘步

延陵季子廟在申港未有廟祭正德五年知縣王
鉞請于行臺始行之 每歲春秋祭
以羊一豕一

卷之八

三

子祐刊

徐偃王廟在膠山舊經偃王失國至膠山而亡立
廟于此

伍相公廟在順化鄉廟後有橋申港亦有之

彭王廟在建寅門古傳爲彭越神

關將軍廟在北布政坊江陰侯吳良改建嘉靖十
年重修

睢陽廟在虹橋西弘治九年知縣黃傳毀五通廟
奉祀睢陽神像其中更令額

莫大王廟在長壽鄉莫城傳云南唐有江南時此

為邊境莫邊臣也死于矢石間乃血食于此

蔣王廟在時山

蕭將軍廟在沙山北

鹿女明王廟在石牌山之東

烈女廟在順一坊郡志作靈應廟舊呼為前湖七娘子廟正德四年叅議張簡更今額刻王逢題烈女詩于石

由里龍王廟在由里山歲旱而禱在宋時靈應多著國朝天順三年大旱知縣周斌往禱其地得

宋碑禮之益虔龍見煙雲之表頃焉大雨如注明年水患禱之刻期而晴再為立祠

夏港龍王廟在夏港口相傳宋紹興二年鎮襄陽張尚書杓建洪武十七年居民吳真三募力重建申港龍王廟在申港東洪武二十四年居民周昌二建

利港龍王廟在利港東永樂三年居民朱文清建蔡港龍王廟在蔡港口洪武十九年水軍衛千戶彭成建永樂十四年鄭和重修

祠山廟在朝宗門外一里

鄉賢祠在文廟櫺星門西知縣黃傅改建奉祀吳季札南宋吳欣之宋葛密耿秉趙發葛書思胡琢胡鏜葛官葛邨吳當可丘密元陸壘宋仁輔王逢俞奕曾俞遠梁益李士龍杜友開 國朝嚴本孫 宣嘉靖間增祀湯沐貢安甫共二十四人

名宦祠在櫺星門東知縣黃傅建奉祀梁司馬筠唐趙和宋崔立王棠徐蕝樓鏗戴溪趙彥适顏耆仲史雋之楊孝孺林庚于溲楚執柔袁燮鄭溲尤

袁鄭應申郭庭堅史蒙卿李寶元張紹祖李師善韓搏蒙古丑廝 國朝吳良吳禎弘治以後邑人

增祀王子倫周斌謝寧黃傅涂禎劉紘王泮黃霽

戎斌共三十六人

宋設先賢祠祀范仲淹王棠樓鏗戴溪趙彥适若干人又有清

孝公祠祀邑人葛書思顏侯祠祀知軍顏耆仲在國朝有鄉賢祠祀吳季札丘密葛邨蔣靜孫作吳良吳禎七人弘治七年傳建二祠其鄉賢去蔣靜孫作名宦去范仲淹謂范公無與江陰事也

二祠之制俱周垣延繚北為正堂前為前堂又前

為門其祭祀儀物具有成式云

道成祠在青陽鄉道成墩永樂初年居民馮景榮

建祀許真君

忠烈祠在東嶽廟之右江陰侯吳良建

陳烈士祠在新村按郡志烈士宋人諱忠字肖一

生而神采秀異時笠墩盜嘯聚守將李宣慰發兵

討之烈士迎告曰笠眾必瞰城廂已而果至宣慰

失利烈士因遇害後人立祠祀之凡禱輒應宋元

皆有封 國朝洪武二年勅封陳烈士之神春秋

致祭羊一豕一弘治十年知縣黃傅以巫覡託神惑眾

毀之祭行於私家嘉靖二十六年知縣趙錦置祠

于教場之右以義勇周蘭拊

每祭羊一豕一按周蘭順化鄉人幼習武

藝嘉靖八年江賊侯仲金鄭二作亂蘭領官兵百五十人戰船二十餘艘夜泊蔡港被賊揜其不備截殺之官兵殆盡蘭獨格殺數人自度不克赴水死

二侯祠在虹橋東嘉靖十一年建奉祀 國朝元

勲江陰侯吳良靖海侯吳禎春秋致祭

羊一豕一

張公祠在君山之麓宣德中建祀本府同知張宗

璉其功德具載少師楊士奇記中後圯廢弘治十

年知縣黃傅改天妃廟為之

春秋祭羊一豕一

周文襄公祠在青暘鄉祀

國朝巡撫都御史周

忱

去思祠在朝陽關外一里即文昌祠中為堂肖故
令王侯泮像其中起其事者僉憲蔣君舜民與其
弟國子生舜智暨典膳韓茁輩云

彭城土地祠楊君土地祠在順化坊

按土地祠城市鄉村在在

有之此外有王太尉祠在化成鄉太尉蘇州人生
宋季八世孫孟珪自蘇徙江陰立祠祀之沈總管
祠在順化鄉宋紹興中高宗嘗觀朝于錢塘忽見
江濤中張現旗幟有沈千一顯應之號因召入朝
封以總管其後族人立祠祀之

已廢春申君廟

在申港南

子明王廟

即吳呂蒙也宋志云在縣南及迎福

院東赤烏年

許真君廟

即許青陽宅也至德元年建

聖妃廟

在君山嘉定十

七年建

國朝洪武十八年重建

李太尉廟

在青陽鄉

紹興重修社壇記

陳研

郡守古諸侯也天子社壇方五丈取諸土數諸
侯則半之社東而稷西俱以北面為尊祭之日
三獻皆南嚮於北牖下合陰之義也又必周以
垣墻外闢正門植木以表其處為主以象其神
風師雨師皆附於社本倣唐制然風師箕也壇
宜列於東雨師畢也與雷師同壇則宜於西其
所從來亦遠矣江陰社稷之壇在軍之西南地
平且正真土穀之神所依焉者而歲久荒圯頽
垣斷塹樵牧所易門顧南入殊垂面執之宜舍
事頗遠於壇儻疊洗列於前榮則進不便於登
陟故每祭則往往旋帷籩條以列獻次其壇校
以古尺不及土數之半而又甃甃斷闕法所當
修春秋祈報研屢嘗惕焉內動其心以為怠忽

又蓋湮沒開元中明皇勅殷仲容摹刻之大曆十四年潤州刺史蕭定重刻石延陵廟中於是俗習徒見潤之延陵季子廟而不知常實古延陵而季子所封也崇寧元年愚以罪謫守是州因考太史公書歷代地志通典圖經得其詳矣又得其所謂季子墓在晉陵縣北七十里申浦之西又曰暨陽鄉而暨陽隸今之江陰縣乃屬令趙士澗訪之得大塚於暨陽門外三十里申之側傍有季子廟與史記地志通典圖經合於是表識其墓謹樵牧耕鑿之禁又摹取孔子所書十字刻碑墓上設像祠之學中以時率屬吏士諸生拜焉所以示邦人貴有德也又備論歷世廢興與俗習之變易刻之

崇寧道院重修記

張簡

崇寧道院者奉漢壽亭侯歷封義勇武安王也國初江陰侯吳襄烈公即元澄江書院址祠之至是玄妙觀道士張玄震復修起之惟王之生

卷之八

九

何明刊

忠義天性當漢室鼎沸之際群龍鬪野王於此志扶漢室以昭烈為帝室之胄奉以周旋如孟德之挾取中原篡逆非正王不與也仲謀之竊據江東僭亂非正王不與也審去就明取舍去逆効順委質先主如雲龍風虎之相從及其董督荆州也降于禁戮龐德梁陝陸渾遙受印號威勢赫然震懾華夏曹操徒許以避其鋒江東請婚以結其好使西南蠶叢之蜀屹然為鼎足之強國俾二敵睥睨而莫敢妄動者非王之力歟天不祚漢竟資志以歿惜哉諸葛孔明不輕許可嘗謂馬孟起兼資文武雄烈過人一世之傑當與翼德並驅爭先猶未及髯之絕倫超群也王之所養少好左氏春秋

天聖創建由里山龍堂記

陳珪

聖宋乾興初祀皇上繼照之始命太學博士范宗古公出治澄江越明年甲子自仲春不雨至于五月稼焦南畝雲密西郊傲傲居民未遑寧

處公線是焚禱穰禮建逾十旬絕無靈貺遂訪
耆舊云由里山白龍洞往俗相傳旱則請禱公
乃令珪亟往除道先日告期是月十有三日齋
潔中夜而往未曙至止陳祝祭於山隈之舊壇
既畢率僚屬耆艾躬陟山巔加焚奠於洞戶之
上泊乎茜旆回旋油雲紛郁是夕雷電大震霈
然達曙泱泱洽千里翌日龍見於西南隅蜿蜒層
霄拽尾如練群仰止悚駭神異自是祁祁之
勢經旬未歇芄芄之苗幸歲有聖逮澄霽公
恪薦牲牲往觀稼而歸乃謂僚吏曰非建祠未足
答龍之休爰卜舊壇之址構為新堂甃甃塗墍
精潔嚴肅夫民者神之祭主神者民之依護來
者觀之勿謂我恠於事而佞於神
將欲教斯民虞水旱而禱豐穰也

紹興重修龍堂記

鄭彥

龍於萬靈中為物最神而殊異天飛潛利澤
敏四十二字麗而歲不絕故水則禱晴旱則請
雨特以死生奚翅命重去江陰軍治儉十里盤

紆長阪突兀而成山雅號由里俗相鄰傳而不
知其所謂巔有龍淵流衍及麓窪坳蓄潴清泠
謀自吸焉不竭除壇在旁常為水旱請禱地天
聖甲子太守國博范侯宗古始廟而繪之咨况
施也語在邑尉陳珪記後一百十有八載今太
守宗丞富公剖符之明年遭時亢陽備備閔雨
背秋冬涉春夏溝澮無濡風日有損舟膠于河
麥萎于隴耕夫饑婦野於間而室於泣如通水
火緩必焦沒環千里之內黎庶無人色公仁著
於心目憂浮於面顏梵宮神祠靡不宗舉應雖
感誠猶靳霑足迺四月壬申小隊破曉出郊偕
其副往躬藏事于廟酌醴置辭淚迸栝案餅淵
水以歸旌旗先驅少吏耆老道釋郊迎真于壽
聖院法筵中日未下吳陰雲四垂雨毛掠面通
昔鬱蒸若翼日癸酉霏霏祁祁日光不漏入夜
滂瀉簷溜如淙琤落澗越三日一求如初入夜
亦如初赤地尙潤管井湧泉駭虐烏驕景休迹
息千里忻忻然起死人而肉白骨越六日庚辰

遣吏復水公德之興言曰龍哉龍哉為靈亦昭哉顧廟貌曼德寒陵暑燠樵僮牧孺戲侮於其間非所以安神靈而揭民虔也迺揮公帑餘錢伍萬屬吏一新閱月廟成吏告訖工易繪為像不侈不嗇輪奐丹雘遐矚增明環山面甃水木知成繫神其克饗于無窮是役也費不傷於公歛不及於下動願咄嗟而使民永有告病求福之所則公之為政可謂敢於急人而憫福無華矣謬也掌教泮林歆豔奇段雖性與神孔子所不語而舞雩祭榮載在禮經茲庸可墨墨爰索本剽而繫以詩使斯民得歲時合賦以侑祀焉其詩曰龍德蟠際在蟲莫知實尸雨霖鞭雷搖熾蠢蠢生齒腹飢謀食四時罔避力穡藝稷耕深擾疾人不勝天雲烝霧滃賴龍以全茲山由里名澄江齋淪萃律龍之汪飛液遇坎堪盪觴荆扉挹啖逾蔗漿焦上石裂暘欲僵捧鬯膏流收豐穰天漏資車翻手強掃氛駁翳開扶桑鄭公慶餘森珪璋使君成民神且康報功新廟益

蓬萊志卷八

七

陳汝

熾昌龍兮無專白雲鄉

又

俞壹

深山大澤龍實居之在漢則郡國秋淵領于祠官而天田之祀位于壬辰壬辰王為木辰為龍就其類也三農之事雨澤是資龍升而雲從雲行而雨施其為吳民之利博矣故龍之所在旱必禱焉左太冲謂蟠龍潛於沮澤應鳴鼓而與雨諒其言乎江陰據北江上洪濤怒瀾極目無際蓋神龍之所窟宅逾江而南未十里間有山曰由里林木紛敷岡阜相屬是山之巔有白龍洞而靈壇峙乎其下昔人即是而策焉今郡守宗丞富公蒞政之明年自春不雨以至于夏麥已秀而未實稻欲生而未藝漕舟絕流公私告病閔閔然民惟歲之憂公兢惕滋甚見于言色日與其僚並走群祀公躬率之庶僚莫不精意以從嘉貺集矣猶未均浹耆舊以由里龍祠來告公祇服祀事無憚險遠中夕而往黎明止于祠下

牲酒既陳鼓鐘迭奏薦裸降登禮無違者精誠
交孚神用顧饗爰稽舊聞酌彼泉源設次于郡
之禪居朝夕禱請不懈益嚴油雲朝濟時雨驟
降土膏其動可耕可稼公亟命其僚報祭于庭
耜艾縱觀歡謠載路先是廟屋傾圮遺址僅存
上雨旁風莫之憐覆於是命工庀徒建祠宇設
貌像嚴嚴翼翼不日而成壹嘗聞之顏師古謂
龍之所居山川隈曲往往有之穢濁誼汗皆所
不容而唐天復中臨溪守宰祈雨于龍湫雲雷
倏興雨雹立至官吏蒙濕而歸蓋龍之為靈也
昭昭矣葺其墻屋新其壇墀神於此憑依則祥
應荐臻雨暘以時氛祲滅肅亢陽之驕為有
秋之利奚旱之可虞壹僑寓是邦恭覩靈蹟謹
敘其大槩使後之人知龍之有德於民無怠修
祀以承公

張公祠記

揚士奇

君山廟者祀常州府同知張侯之廟也為政而

隆慶志卷八

三

何節

能愛民生則父母之沒則烝嘗之皆由其成有
以致之也張侯之同知常州也奉部符專督農
事既至視民如子喜為之興利常行視水教之
蓄泄躬履壟畝察種植而為之勸或時坐滕間
相爾汝語汝家人未嘗笞詈辱人遇老病鰥孤
率有恩意所過飭勵學教正士習民甚戴之上
官知其得民也有所賦輒檄之督民恐以緩累
侯則爭起趨事然侯終不以慮譴而急民是時
天下軍伍滋弊軍之姦黠者率用賂規匿而詭
傳平民於籍民被枉比比朝廷以璽書分命
御史清理其要在覈姦直枉御史當詣蘇常者
言於兵部常州必得張同知共事乃有濟部遂
以檄侯御史時銳意得軍為功不復矜念民枉
侯固執民實非軍敢違璽書不從御史不可柰
何數出無禮語詆詈之侯忿鬱不能平數日疽
發背卒然常之人賴侯以免於枉者猶十七八
時蘇之佐郡者極力助御史得軍而枉民動以
干計愁苦嗟怨於道路累年不解常之人以是

益思慕侯不已侯素澹泊庶介不苟取一毫自
入仕未嘗以家累隨公退坐一室蕭然讀書焚
香而已易簣之先夕侍藥者入其舍索燈燭悉
無趨出取膏油一盃以入侯遙見竟謝卻之其
操類此侯先自翰林庶吉士為刑部主事春坊
中允大理寺丞皆有政績嘗奉命督事廣東福
建皆有惠及民此特載其在常者耳侯卒之日
民老壯奔走哭於庭皆哀具儀奠祭累日柩行
白衣冠送者數千人非積誠而能致此乎後數
年江陰士民朱善繼善慶周孟德孟敬因眾民
之志協謀作廟於邑之北君山以祀事來請書
于石併作迎享送神之詩使歌以將事侯名宗
璉字重器江右吉水人永樂第一科進士朱氏
周氏皆尚德崇義之家詩曰肅穆兮侯堂酌山
泉兮薦林芳泠泠風兮髣髴侯戾止兮珮玉璫
懷仁侯兮撫我動與息兮有教稼芄芄連疇
侯顧我兮樂以笑侯乘兮蘭棹倏東臯兮勿南
畝溪有鱣兮陸有虺侯赫視兮敢余民侮侯來

隆慶志卷八

三

寧

遲兮逝何疾侯之逝兮我民以戚山之明兮水
之麗侯捨茲兮安適侯懷故鄉兮且往夕來作
我佑我兮無遐遺調二氣兮平四序下無汎濫
兮高無曠灾沼有魚兮苙有畜公無負適兮私
庾足我民兮子孫孫子
承侯福兮千百世祀

慶元制

制曰朕考於傳記知神為吳公子當春秋時嘗
辭千乘之國而不受凜然高節萬世如生豈復
以人爵為榮哉今延陵之民世受加祀謂非此
無以表德厲世命以侯爵往諭于廟其寵嘉之
季子廟詩

素默

巢由高風不可及後世家邦皆子襲東周不競
諸侯強中原未許干戈戢修盟歃血血未乾秋
草離離戰鬼泣闔廬釋楚夫概奔公子糾殺桓
公入兄弟之間寧固多且正衣冠暮成執前規
舊輒不遠人嗚呼季子其肯立吳民猶有德吳
心廟貌相望在封邑懷古今人意慘悽日落踈

林風習習

又

曹確

人間不記吳王事江上今存季子宮
壞壁亂飄青蘚雨破簷時蕩白榆風
衣冠何處埋春草雞酒長年任野翁
下馬一看思舊德浮名應與暮雲空

又

謝應芳

延陵采地荒榛棘延陵遺廟成瓦礫
延陵野老歸吊古獨立斜陽長太息
塵埃野馬紛蒲眼城郭人民總非昔
昔共惟秦伯吳鼻祖三讓高風冠
千古周衰列國俱戰爭卓爾雲仍踵
遐武去國躬耕江上田曰附子臧非
浪語天倫義重情所鍾屹立狂瀾見
孤柱此義孰可比采薇西山孤竹子
此情知者誰獲麟老筆十字碑德音
寥寥二千載陵谷幾番經變改江南
近代淫祠多梁公不作可柰何於乎
祠堂之毀還可屋禮讓風衰較難復
漢家兄弟歌布粟唐家兄弟相屠戮
何當大化一轉穀於變澆漓作醇俗
九州八荒

潘鑿卷八

西

何明刊

春穆穆秦伯延陵斷弦續芳也未死當刮目

春申君詩

高啓

封吳開巨壤相楚服強鄰名重三公
子謀疎一婦人畫幃留古像珠履絕
遺塵簫鼓時迎祭還憐舊邑民

烈女廟詩并引

王逢

女何江陰人五季時避亂前湖舟中
賊持兵犯之何泣願少緩乘間竟投
水死後里父夢見何曰吾當血食此
地伺湖為田則廟貌祀我既而果然
廟在華藏寺

遺廟湖陰四百年斑斑江竹映嬋娟
魚龍水落荏蒲外雞犬村成繁柘邊
不待清名垂女史尚存貞魄降神弦
君王社稷今焉在伏臘粢盛自儼然
帷箔夜涼臨月榻珮環晨饗起雲駢
湘靈鼓瑟虞風盛蔡琰聞茄漢鼎遷
嗟彼生還歸故國何如死節報皇天
明妝靚服黃塵裡重為傷時涕泗漣

墓

周禮冢人掌兆域謹冠梟之藏也其職已廢矣過墟而興哀寤賢而增封其識古之遺意乎

吳季子札墓在申港

宋知軍朱彥記 按史記吳世家後註皇覽曰延陵季子

塚在毗陵縣暨陽鄉察宇記亦云季札墓在晉陵縣北七十里申浦之西孔子十字碑見古蹟 吳

王子墓在繳墩

寰宇記云吳王闔閭第八子卒葬于此

戰國春申君黃歇墓在君山

相傳東嶽廟陸之下又以爲三國呂子明

葬處未詳

晉郭璞母墓

在申港八里許晉本傳璞丁母憂離職卜葬地於暨陽去水百步許人以

近水爲言璞曰卽爲陸矣其後沙漲去墓數十里皆爲桑田其地名今不可考

梁蕭天子墓在良信鄉

按南史梁敬帝爲江陰王殂葬此

宋丘文定公密墓在由里山東弘治元年有

詔

重修

大學士徐溥記

葛文康公勝仲墓在由里山南

葛

文定公邲墓在青陽鄉

丘侍郎壽雋墓在敵山

趙簽判發墓在沙山北

故有魏了翁篆碑兵燹後其半斷沒

元陸莊簡公厘墓在沙山北

陸文圭狀

俞時齊奕曾墓

在悟空寺西

陸文圭志

俞空谷遠墓在鄧陽西園

孫作墓碑

記陸墻東文圭墓在綺山冷水灣 杜君山友開

墓在君山 梁庸齋益墓在黃山之原俞遠志趙孝

子鉉墓在沙山即趙簽判墓之右

國朝江陰侯吳高墓在觀山高江國公良之子徐尚書晞

墓在綺山之陰有欽降諭祭文湯大理卿沐墓在由里

山北麓禮部尚書巖嵩志劉光祿卿乾墓在由里山西侍讀

學士張袞志有欽降諭祭文張諭德誥墓在由里山南大學士翟鑿志

嘉靖十六年配胡太宜人卒特賜葬祭有欽降諭祭文吳孝子鳳墓在夏

港之東南張袞作傳龔烈婦劉氏墓在夏港之東北張袞

陸縣志卷六

夫

陳浚

作傳三節婦周氏朱氏花氏墓在青山 朝陽關外

義塚地三十畝有奇弘治十五年知縣涂禎建周

垣二百五十丈 秦壘山義塚四十七畝有奇正

德十四年建

諭祭文

維正統十一年歲次丙寅四月戊戌朔越初四日辛丑

皇帝遣禮部左侍郎兼翰林院侍講學士王英

先朝累遷京職量能序進擢佐地官通緣戎餉之勞遂遷司馬之任乃嬰衰疾竟以引年眷念維

深復聞長逝特賜葬祭用示榮恩

維大明弘治十年歲次丁巳九月己亥朔越十八日丙辰

皇帝遣常州府知府曾鑒宏 諭祭于致仕南京
通政使司左通政徐世英曰惟爾趾美各門究
心儒業官居中書秩進銀臺暨遷職於留都慎
攸司於出納官階敷歷垂四十年簪笏相傳越
二三世數懇歸老一疾壽終特命有司為頒諭
祭爾靈不昧卹典其承
維嘉靖十五年歲次丙申七月甲寅朔越初四
日丁巳

皇帝遣直隸常州府知府應檜 諭祭南京光祿
寺卿劉乾曰惟爾性資謹厚才識通明發跡甲
科歷官郎署裕民飭武綽有能聲進秩符臺載
遷儀寺光祿晉陟留務是司資序屢更勤勞弗
替方殷委任懇乞歸間宜享遐齡遽焉長逝特
頒葬祭用示卹恩九原有知尚其歆服
維嘉靖十六年歲次丁酉三月甲辰朔越十六
日壬寅

皇帝遣直隸常州府知府陳大用 諭祭翰林院
侍讀學士張亥母太宜人胡氏曰爾以令儀淑

隆縣志卷八

七

曹枯

質歸于德門克相厥夫式彰壺範篤生賢子翰
苑蜚英史局經緯勤勞茂著溯源徂委慈訓足
徵屢錫封章久沾祿養宜膺遐福遽爾告終葬
祭特頒用示優渥爾靈不昧尚克歆承之哉

季子墓詩

元劉子寰

一上祠宮醉白雲始知蠻觸浪紛紛有吳何代
無陵墓萬世惟知季子墳

避亂綺山謁陸子方墓

元王逢

我經冷水灣缺月照微服景非度秦嶺事類避
同谷松深閒無煙孤兔紛窺伏隆然四尺土眷
眷在東麓問是先生墳感慨逾慟哭洵書失歐
陽贊對多馮宿許韓兩耆舊許益之韓明善二
公時論推鼎足憶過仙人廬白駒駐修竹周情
與孔思小子幸私淑天回晨星稀世亂烽火屬
心言采芳藻中宵不盈掬太玄屬桓譚九歌豎
宋玉抱膝獨長眠披榛忍南逐

空谷俞先生挽詞

王逢

空谷俞先生言行懔懔爾襄陽一耆舊東魯古

君子奕葉蘭桂芳晚見長松倚野鶴夕警露天
雞晴影水神清凝高寒眼碧照鳥几州閭薰善
良士俗變淳美削蹟門徒僧罷迎藜祠鬼貧交
有孫帖推食養沒齒義聲及耕奴亦免溝壑委
遭亂接浙行帶索並藿葦兒樵性至孝承順若
居里先生但微吟落句益奇詭玄洲摘芝秀翠
嶽决石髓咸瞻星應庚忽夢歲在巳括羽鏃礪
道靈勿甚提耳忘年感孔融赴吊愧徐穉霜晨
高鴻邁獨權五湖渙為歌雙梧歌林哀朔風起
連環歌 王逢

白玉雙連環瘞在春申山山前夫婦義同死心
與連環鎮相似日月合照無欠虧天地相依共
終始天地日月非彈丸環兮環兮冰雪寒
祭梁益文 元王麟棟

嗚呼友直而死我前耶我長五年迺及未死子
遽然耶大哉造化載涵載育凡幾年間生一才
難而死之速耶方子在日以文為嬉悠悠之徒
不子之奇雖不子奇子之所有彼實媿之黃金

白璧力回天地欲措子一辭彼不能至大車長
蓋氣壓鬼神欲出子一字彼不能陳吾謂子之
所有彼實媿之豈謾死人耶嗚呼一郡之中而
有我輩如有山水乃秀氣在今于而死失一山
矣野半無晶失一水矣江頓減清萍彼慢者與
彼笑者梁子已死骨在泉下汝亦歇汝笑亦
啞求汝之徒摩肩塞途求此梁子千載更無嗚
呼子所作文惟我能識妙意到處我贊必力設
有未然亦不子匿知子喜飲亦莫我如我語世
人子匪迂踈所為飲酒惟爵之紉子生在世世
無知子知子惟我以為奇士助子之喪恤子之
家我力不能惟子死之嗟匪嗟子死嗟奇士先
勦匪嗟奇士嗟人才日少匪嗟人才惜一郡寶
嗚呼子之魂魄與形俱滅化飄風耶或英靈未
泯為鬼雄耶抑超為神僊從石曼卿遊夫容耶
若其化也則又奚說或為鬼為僊必將感知已
而未絕也尚青驪之
騎來歆此尊之冷冽

秩祀記第六

江陰縣志卷之八

江陰縣志卷之八

九